

Ա. Մ. ՀԱԿՈԲՅԱՆ

ՀԱՅԱՍՏԱՆԻ ԽՈՐՀՐԴԱՐԱՆԸ
ԵՎ
ՔԱՂԱՔԱԿԱՆ ԿՈՒՍԱԿՑՈՒԹՅՈՒՆՆԵՐԸ
(1918—1920 թթ.)

ԵՐԵՎԱՆ

114

Удостоверение
Финансовый
г. 07-98 р.

НАЦИОНАЛЬНАЯ АКАДЕМИЯ НАУК
РЕСПУБЛИКИ АРМЕНИЯ
ИНСТИТУТ ИСТОРИИ

А. М. АКОПЯН

ПАРЛАМЕНТ АРМЕНИИ
И
ПОЛИТИЧЕСКИЕ ПАРТИИ
(1918—1920 гг.)



ИЗДАТЕЛЬСТВО «ГИТУТЮН» НАН РА
ЕРЕВАН

1993

✓
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ

ՊԱՏՄՈՒԹՅԱՆ ԻՆՍՏԻՏՈՒՏ

Ա. Մ. ՀԱԿՈԲՅԱՆ

ՀԱՅԱՍՏԱՆԻ ԽՈՐՀՐԴԱՐԱՆԸ

ԵՎ

ՔԱՂԱՔԱԿԱՆ ԿՈՒՍԱԿՑՈՒԹՅՈՒՆՆԵՐԸ

(1918—1920 թթ.)

A II
84736

ՀՀ ԳԱՄ «ԳԻՏՈՒԹՅՈՒՆ» ՀՐԱՏԱՐԱԿԶՈՒԹՅՈՒՆ
ԵՐԵՎԱՆ

1993

Մ. Ս. ԵՍ. ԵՍ.

Նստագրվում է ՀՀ ԳԱԱ պատմության ինստիտուտի
գիտական խորհրդի առջամար

Պատասխանատու խմբագիր՝ պատմ. գիտ.
քեկեանու Պ. Մ. ՄԱՅԻՆՅԱՆ

ՀԱՆՈՐԵՅԱՆ Ա. Մ., Հայաստանի խորհրդարանը և քա-
Հ 177 ղաքական կոսակցութիւնները (1918—1920 թթ.),
պատ. խմբ. Պ. Մ. Մայիլյան.—Եր.: ՀՀ ԳԱԱ «Գի-
տութիւն» հրատ., 1998, 41 էջ:

Գրքուկը նվիրված է Հայաստանի առաջին Հանրապե-
տութիւն քաղաքական համակարգի երկու կարևոր կառույց-
ներին՝ խորհրդարանի և քաղաքական կոսակցութիւններին
պատմութիւնը լուսարանմանը: Ընդհանուր գծերով քննութիւն
են առնված խորհրդարանի օրինաւարտ աշխատանքի, իշ-
խանութիւն մարմինների տարանջատվածութիւն, կոսակ-
ցութիւնների խորհրդարանական և առաջխորհրդարանական
գործունեութիւն հիմնահարցերը: Հանրագումարի են բերված
խորհրդարանի և կոսակցութիւնների գործունեութիւն տը-
ղչւնքները, գրանց պատմական փորձն ու դասերը:

Նախատեսված է պատմաբանների, իրավաբանների և,
ընդհանրապէս, հայոց աշխարհագրութիւն հետաքրքրողների
համար:

0503020913

Հ

763 (62)—98

ԳՄԳ 63.3(22)52

ՆԵՐԱԾՈՒԹՅՈՒՆ

Վերջին տարիներին տեղի ունեցած արմատական փոփոխությունները նոր խնդիրներ դրեցին պատմաբանների առջև։ Մասնավորապես Հայաստանի անկախության վերականգնումից հետո անհրաժեշտություն առաջացավ ուսումնասիրել հեռավոր ու մոտիկ անցյալի հայոց պետականությունների պատմությունը, դրանց պատմական փորձն ու դասերը։ Այդ տեսակետից առանձնակի նշանակություն է ստանում Հայաստանի առաջին հանրապետության քաղաքական համակարգի ուսումնասիրումը։ Առաջին հանրապետության քաղաքական համակարգի կարևոր կառույցներից են նրա խորհրդարանը և քաղաքական կուսակցությունները։ Նկատի ունենալով, որ Հայաստանի նորանկախ հանրապետության քաղաքական համակարգում ևս կարևոր տեղ են գրավում խորհրդարանը՝ Ազգային ժողովը, ինչպես նաև նրանում գործող կուսակցական խմբակցությունները, այստեղից էլ ինքնին հասկանալի է դառնում, թե որքան արդիական ու հրատապ նշանակություն է ստանում Հայաստանի առաջին հանրապետության խորհրդարանի և այնտեղ գործող քաղաքական կուսակցությունների պատմական անցյալի ու փորձի բազմակողմանի ուսումնասիրումը և ընդհանրացումը, որոնք, անկասկած, ունեն գիտագործնական ու ճանաչողական նշանակություն մերօրյա անկախ պետականության պետաիրավական ու քաղաքական կառույցների ձևավորման, ամրակայման և զարգացման գործում։

Չնայած թեմայի կարևորությանը և արդիականությանը՝ խորհրդահայ պատմագրության մեջ մեր կողմից առաջ քաշված հիմնահարցերը՝ գաղափարաքաղաքական նկատառումներով, ըստ էության գիտական ուսումնասիրության չեն ենթարկվել: Հայաստանի խորհրդարանի և հայ քաղաքական կուսակցությունների 1918—1920 թթ. պատմության վերաբերյալ չկան հատուկ, ընդհանրացնող ուսումնասիրություններ՝ նաև սփյուռքում և սա առաջին փորձն է այդ ուղղությամբ: Գոյություն ունեցող աշխատություններից կարելի է առանձնացնել, թերևս, միայն Ա. Խոնդկարյանի «Օպոզիցիան հանրապետական Հայաստանում» հոլշերի հոդվածաշարը¹, որտեղ, սակայն, նկատվում են կողմնակալ միտումներ:

Հայ իրականության մեջ պատկանենտարիզմի գաղափարը, ինչպես հայտնի է, առաջին անգամ արծարծվել է XVIII դարում, հեռավոր Հնդկաստանում Գ. Շահամիրյանի գլխավորած հայ հայրենասերների Մադրասի խմբակի կազմած ու 1773 թ. հրապարակած «Որոգայթ փառաց» գրքում: Նրանում ապագա ազատագրված Հայաստանի բարձրագույն ներկայացուցչական մարմինը՝ խորհրդայանը կոչվում էր «Տուն Հայոց»: Ամերիկյան սահմանադրությանը հասակակից այս փաստաթղթում առաջնությունը տրվում էր օրենքի գերակայությանը՝ որպես ժողովրդի կամքի արտահայտություն. «Օրենք մեր եղիցին տէր և թագավոր մեր»²:

Արդեն XIX դարում սահմանադրական-խորհրդարանական գործունեության առաջին նախաքայլը կարելի է համարել 1860 թ. արևմտահայերի ազգային սահմանադրությունը: Այս յուրօրինակ սահմանադրությունը անվանվող փաստաթղթի համաձայն՝ սկսեց գումարվել աշխարհիկ և հոգևոր 140 պատգամավորներից (երեսփոխան-

¹ Տե՛ս «Վեն», Փարիզ, 1933, թիվ Ա, Բ, 1934, թիվ Գ, Ե, Զ:

² «Որոգայթ փառաց», Մադրաս, 1973, էջ 89:

ներից) կազմված Ազգային ընդհանուր ժողովը³, որը զբաղվում էր օսմանյան Թուրքիայի գերիշխանության տակ գտնվող արևմտահայ համայնքի ներքին կյանքի, ազգային, կրոնական, կրթամշակութային և այլ գործերով ու խնդիրներով:

1917 թ. Փետրվարյան հեղափոխությունը մեծ փոփոխություններ ու հասարակական-քաղաքական տեղաշարժեր առաջացրեց հսկայածավալ Ռուսական կայսրությունում, այդ թվում նաև Անդրկովկասում ու Արևելյան Հայաստանում: Սկսվեցին առաջին քայլերը երկրի ժողովրդավարացման ուղղությամբ: Զարթոնք սպրեց ազգային կյանքը, աճեց ազգային ինքնագիտակցությունը: Սոցիալ-դեմոկրատ Գ. Ղարաջյանի վկայությամբ երկրամասում ազգային գործոնն ավելի ուժեղ թափով արտահայտվեց, քան սոցիալականը⁴: Քաղաքական գործունեության լայն անակարգ իջան հայ քաղաքական կուսակցությունները, որոնցից ազդեցիկը, անկասկած, ՀՀ Դաշնակցությունն էր⁵:

Հայ քաղաքական կուսակցությունների (ՀՀ Դաշնակցություն, ՍԴ հնչակյան, Հայ սահմանադրական ուսկավար, Հայ ժողովրդական, Սոցիալ-դեմոկրատ, Սոցիալիստ-հեղափոխական (Էսեռ), «Սպեցիֆիկ») նախաձեռնությամբ նախապատրաստվեց և 1917 թ. աշնանը Թիֆլիսում գումարվեց արևելահայերի համագումարը (համախորհրդակցությունը), որի աշխատանքների վերջում բազմակուսակցական հիմքի վրա ընտրվեց 15 հոգուց բաղկացած գործադիր մարմին՝ Հայոց Ազգային խորհուրդ: Կուսակցությունների քաղաքական կշռին համապա-

³ Տե՛ս Ստ. Պալասանյան, Պատմություն հայոց, Թիֆլիս, 1895, էջ 746, Մաքոլսան, Հայկական խնդիրը և Ազգային սահմանադրությունը Թուրքիայում (1860—1910), հ. Ա., (հավելված), Թիֆլիս, 1912, էջ 76:

⁴ Տե՛ս Գ. Ղարաջյան, Անդրկովկասի քաղաքական կյանքը 1918 թ., Թիֆլիս, 1919, էջ 16:

⁵ Տե՛ս «Кавказ», 1917, թիվ 140, «Մշակ», 27 հունիսի 1917 թ.:

տախան Հայոց Ազգային խորհուրդը ներկայացնում էին ՀՀԴ՝ 6, ՀԺԿ՝ 2, Սոց. դեմ.՝ 2, Էսէժ՝ 2 և անկուսակցական՝ 3 անդամներ⁶։ Խորհրդի նախագահն էր Ա. Ամարյանը (ՀՀԴ)։ Հայոց Ազգային խորհուրդը, որպես գործադիր մարմին, փաստորեն ստանձնեց արևելահայ հատվածի քաղաքական ղեկավարությունը։ Բացի Ազգային խորհրդից, դարձյալ կուսակցական համամասնության սկզբունքով, կազմվեց նաև 35 հոգուց բաղկացած օրենսդիր մարմին՝ **Ազգային Ժողով**, որը արևելահայության ժամանակավոր ներկայացուցչական մարմինն էր։ Տեղերում հիմնվեցին և գործում էին տեղական հայ ազգային խորհուրդներ։ Հատկանշական է, որ թե՛ Հայոց Ազգային խորհրդում և թե՛ Ազգային ժողովում հայ քաղաքական կուսակցությունները հիմնականում հանդես են եկել ազգային միացյալ ճակատով։

1917 թ. Հոկտեմբերյան հեղափոխությունը պրմատապես փոխեց իրադրությունը Անդրկովկասում, ի վնաս հայ ժողովրդի բաղձալի ակնկալիքների ու ցանկությունների։ Դեպքերն այնպիսի աննպաստ ընթացք ունեցան, որ Կովկասյան ռազմաճակատը քայքայվեց, Թուրքիան պնդեցավ հարձակման և ներքին ու արտաքին ազդակների թելադրանքներով Անդրկովկասը կտրվեց Ռուսաստանից, ու անկախացավ։

Անդրկովկասը Ռուսաստանից անջատելուն նպաստեց մի կողմից Անդրկովկասյան իշխանությունների (Կոմիտասի և Սեյմի) ոչ ներդաշնակ քաղաքականությունը, որում սադրիչ ու հրահրող դեր էր խաղում օսմանյան Թուրքիան, իսկ մյուս կողմից, արդեն սկսված քաղաքացիական կռիվների պատճառով, Անդրկովկասի կտրվելը խորհրդային կենտրոնից ու հատկապես խորհրդային Մա-

⁶ Տե՛ս ՀՀ պետական կենտրոնական պատմության արխիվ (պատմետե՛ս՝ ՀՀ ՊԿՊԱ), ֆ. 222, ց. 1, գ. 16, թ. 58, «Քանքեռ Հայաստանի պոխիվների», 1992, թիվ 1—2, էջ 104։

նավարության հիստորիկեցնող արտաքին քաղաքականությունը, որի արտահայտությունը Բրենտի հաշտության պայմանագիրն է: Այդ պայմանագիրը հիմք հանդիսացավ Թուրքիային Անդրկովկաս ներխուժելու համար:

1918 թ. գարնանը՝ մայիսին, ծագած ներքին սուր հակասությունների հետևանքով Անդրկովկասյան դաշնությունը քայքայվեց և դրա փլատակների վրա առաջացան Վրաստանի, Ադրբեջանի և Հայաստանի անկախ հանրապետությունները: Այդ նույն օրերին հայ ժողովուրդն ունեցավ իր երկրորդ Ավարայրը, մայիսվերջյան հաղթական շարքը՝ Սարդարապատի, Բաշ-Ապարանի և Ղարաբիլիսայի ճակատամարտերը:

Հիրավի, 1918 թ. մայիսյան տագնապալի օրերին հայ ժողովուրդը գերմարդկային ճիգերով կարողացավ նենգ թշնամուն արժանի հակահարված տալ և վիժեցնել ամբողջ Արևելյան Հայաստանը զավթելու ու տեղի հայությանը ոչնչացնելու երիտթուրքական ծրագրերը: Ավելին, հայ ժողովուրդը ոչ միայն պաշտպանեց իր ֆիզիկական գոյությունը, այլև ստիպեց հակառակորդին հաշվի նստել իր հետ և ճանաչել իր անկախ ապրելու իրավունքը: Չնայած անկախությունը եկավ արագ և անսպասելի, սակայն այն ուներ իր ներքին տրամաբանությունը: 1918 թ. առաջին հանրապետության անկախության փորձը հուշում է, որ ազատությունը և անկախությունը ոչ թե ստանում են նվիրավորյալ, այլ նվաճում են արյամբ: Ըստ արժանվույն պետք է գնահատել «մայիսի 28-ի» անկախության մասին Հայոց Ազգային խորհրդի ընդունած պատմական որոշումը, քանզի, եթե տվյալ պահին չընդունվեր նման վճիռ ու Ազգային խորհուրդը իրեն չհայտարարեր հայկական զավառների գերագույն իշխանություն, ապա հայապատկան զավառները պարզապես բաժին կդառնային հարևան թուրքերին, ադրբեջանցի թաթարներին և վրացիներին: Այնպես որ Հայաստանի անկախության ակտը

պատմական անհրաժեշտություն էր և ստեղծված պայմաններում չունեի այլընտրանք:

Մեծ խորհուրդ կա «մայիսի 28-ի» և «սեպտեմբերի 21-ի» միջև: Վերջինս առաջինի իրավահաջորդն է և հոգեհարազատ ժառանգորդը: Առանց առաջին հանրապետության, ամենայն հավանականության, չէր լինի նախաօրվա հանրապետությունը, առանց Հայաստանի առաջին խորհրդարանի, հավանաբար չէր լինի ներկայիս խորհրդարանը:

Այսպիսով, պատմաբաղադական դեպքերի ու իրադարձությունների տրամաբանությամբ՝ 1918 թ. մայիսին Հայաստանը կանգնեց անկախության փաստի բառին: ԵՑ տարի առաջ՝ 1918 թ. մայիսի 28-ին, Հայաստանի մի փոքր հատվածում, ընդամենը 12 հազար բանակի վրա, վերականգնվեց շուրջ 600 տարի առաջ կորսված հայոց ազգային պետականությունը:

1. ՀԱՅԱՍՏԱՆԻ ԱՌԱՋԻՆ ԽՈՐՀՐԴԱՐԱՆԸ ԵՎ ՔԱՂԱՔԱԿԱՆ ԿՈՒՍԱԿՑՈՒԹՅՈՒՆՆԵՐԸ

1918 թ. մայիսի 28-ին Հայաստանի անկախության մասին պատմական որոշումից և հունիսի 4-ին Հայաստանի և Թուրքիայի միջև կնքված Բաթումի հաշտության պայմանագրի ստորագրումից հետո Հայոց Ազգային խորհուրդը ու հայ քաղաքական շրջանակները ձեռնամուխ եղան պետական իշխանության մարմինների, այդ թվում անդրանիկ խորհրդարանի ձևավորմանը:

1918 թ. հուլիսի երկրորդ կեսին Թիֆլիսից մաշրաքադաք՝ Երևան ժամանած Հայոց Ազգային խորհրդի անդամների և Հ. Քաջազնունու գլխավորած անդրանիկ կառավարության միջև տեղի ունեցած միջկուսակցական խորհրդակցություններից հետո ձևավորվեց Հայաստանի քաթճրագույն օրենսդիր մարմինը՝ խորհրդարանը, որը պաշտոնապես կոչվեց Հայաստանի խորհուրդ: Քանի որ ժամանակը և քաղաքական հանգամանքները թույլ չէին տալիս միանգամից խորհրդարանի ընտրություններ անցկացնել, որոշվեց՝ Հայոց Ազգային խորհրդի անդամների (15) թվի, կուսակցական համամասնությամբ եռապատկելու (բացի երեք անկուսակցականների), ինչպես նաև հանրապետությունում ապրող ազգային փոքրամասնությունների ներկայացուցիչներ հրավիրելու միջոցով կազմել Հայաստանի առաջին օրենսդիր մարմինը՝ Հայաստանի խորհուրդը (խորհրդարանը)¹: Ահա այս ճանապարհով Հայաստանի

¹ Տե՛ս «Հորիզոն», 27 հուլիսի 1918 թ.:

խորհրդում պատգամավորական տեղեր զբաղեցրին. ՀՀ դաշնակցությունը՝ 18, Հայ ժողովրդական կուսակցությունը (ՀԺԿ)՝ 6, Սոցիալ-դեմոկրատները՝ 6, Սոցիալիստ-հեղափոխականները (Էսէռները)՝ 6, անկուսակցական՝ 2, ազգային-էթնիկական ներկայացուցիչներից՝ 6 թուրք, 1 ռուս և 1 քուրդ (եզդի)՝ ընդամենը 46 անդամ²:

Խորհրդարանի առաջին նիստը գումարվեց 1918 թ. օգոստոսի 1-ին Երևանում՝ քաղաքային ակումբի շենքում, Ավետիք Սահակյանի (ՀՀԴ) նախագահությամբ: Հաստատվեցին պատգամավորների մանդատները և խորհրդի աշխատակարգը, ընտրվեց նախագահություն: Հաջորդ երկու նիստերում լսվեց և ձայների մեծամասնությամբ հավանության արժանացավ Հ. Քաջազնունու կառավարության հայտագիրը: Վերջինս Հայաստանի վիճակը բնութագրում էր որպես «անձն քառս և ավերակների կույտ»: Այնտեղ ուղիներ էին մատնանշվում ստեղծված իրավիճակից դուրս գալու և երկրի կայունությունը որոշ չափով կայունացնելու ուղղությամբ³:

Դարձյալ կուսակցական համամասնությունը պահպանելու սկզբունքով կազմվեցին խորհրդարանի 15 հանձնաժողովները, որոնց մեջ գերիշխում էին սոցիալ-տնտեսական բնույթի խնդիրներով զբաղվող հանձնաժողովները: Հայաստանի խորհրդի առաջին ամիսների գործունեության ուսումնասիրությունը ցույց է տալիս, որ այն ոչ միայն բարձրագույն օրենսդիր մարմին էր, այլև ուներ գործադիր իշխանության ֆունկցիաներ: Խորհուրդը հաճախ իր հանձնաժողովների՝ կարգադրիչ, պարենավորման, գաղթականության, բժշկասանիտարական, դպրոցական և այլն միջոցով փաստորեն տնօրինում էր կառավարչական

² Տե՛ս ՀՀ ՊԿՊԱ, ֆ. 200, ց. 1, գ. 282, թ. 2, «Խոսք», 20 դեկտեմբերի 1918 թ., «Հորիզոն», 27 հուլիսի 1918 թ.:

³ Տե՛ս «Հորիզոն», 15 օգոստոսի 1918 թ.:

⁴ Տե՛ս ՀՀ ՊԿՊԱ, ֆ. 198, ց. 1, գ. 15, թ. 16:

բնույթի գործերի, ինչպիսիք էին խոլերայի և վարակիչ հիվանդությունների դեմ պայքարի, ժողովրդի պարենավորման, գաղթականների խնամատարության, անօրինական զենքի բռնագրավման և նույնիսկ ժողովրդական կրթության գործերը⁵։ Խորհրդարանը հաճախ օրենքների մեվան տակ հրապարակում էր վարչական հրահանգներ ու որոշումներ։ Խորհրդարանին կից գործում էր պետական վերահսկողության մարմինը, որը օրենսդիր իշխանության կողմից գործադիր իշխանության ֆինանսատնտեսական և այլ գործունեությունների վրա վերահսկողության իրականացման կարևոր լծակներից մեկն էր⁶։ Վերահսկողության այդ մարմինը հիշեցնում է մերօրյա Ազգային ժողովի վերահսկիչ պալատը⁷։

Ասպիսով, երբ ձևավորվեց Հայաստանի խորհրդարանը, այն իր մեջ բովանդակում էր երկրի գերագույն իշխանությունը։ Նախագահական համակարգի բացակայության պայմաններում բարձրագույն գործադիր իշխանությունը՝ կառավարությունը, ենթակա էր խորհրդարանին, աշխինքն՝ Հայաստանը պառլամենտական գերակայությամբ հանրապետություն էր։

Հայաստանի Հանրապետությունում հաշվում էին շուրջ մեկ տասնյակի հասնող քաղաքական կուսակցություններ, սակայն, ինչպես ասվեց, խորհրդարանում պաշտոնապես գործել են չորս կուսակցական խմբակցություններ՝ ՀՀԴ, որը սկզբից միե՛ն վերջ եղել է կառավարող կուսակցություն և երեք ընդդիմադիր կուսակցությունների խմբակցություններ՝ ՀԺԿ, Արց.-դեմոկրատական (մենջևիկ և բոլ-

⁵ Տե՛ս «Հայաստանի խորհրդի հաստատած օրենքները 1918—1919 թթ.», մաս 1, Ե., 1919, էջ 1—2, «Ժողովրդ», 8 սեպտեմբերի 1918 թ. և այլն։

⁶ Տե՛ս Ա. Խաչկարյան, Օսոբիցիան հանրապետական Հայաստանում («Վեմ», 1984, թիվ 2, էջ 74)։

⁷ Տե՛ս «ՀՀ սահմանադրությունը», Երևան, 1995, էջ 39, Հ. Խաչկարյան, Պառլամենտ և պատգամավոր, Երևան, 1994, էջ 46։

շնիկ) և Սոցիալիստ-հեղափոխական (Էսէռ): Այն բանից հետո, երբ 1918 թ. նոյեմբերի սկզբին ՀԺԿ-ը ՀՀԴ հետ միասին կազմեց կոալիցիոն (խառը) կառավարություն, այն դադարեց ընդդիմություն լինելուց: Եվ այս վիճակը շարունակվեց մինչև 1919 թ. հունիսի սկիզբը, այսինքն՝ մինչև ՀԺԿ ներկայացուցիչների կառավարությունից հեռանալը և խորհրդարանի արձակումը:

Խորհրդարանական կուսակցությունների էությունը լավ հասկանալու և նրանց գործունեությունը ճիշտ բնութագրելու համար դրանք բաժանել ենք երկու խմբի՝ ազգային և ոչ ազգային: Նման բաժանում կատարելիս հիմք ենք ընդունել կուսակցությունների գաղափարախոսությունը, ծրագրային հիմնադրույթները և հետապնդած քաղաքական նպատակները: Ըստ այդ բաժանման՝ խորհրդարանում ներկայացված ազգային կուսակցություններն էին ՀՀԴ և ՀԺԿ, իսկ ոչ ազգային՝ հայ սոցիալ-դեմոկրատները (5 մեմբերիկ և 1 բուլշևիկ) և հայ էսէռները (սոց.-հեղափոխականները):

Նման տարբերակումից բացի, խորհրդարանական խմբակցությունները բաժանել ենք երեք ուղղության՝ «աջակողմյան» (ՀԺԿ), «կենտրոն» (ՀՀԴ) և «ձախակողմյան» (Սոց.-դեմ. և Էսէռ): Այս առումով ձախակողմյան կուսակցություններին բնորոշ էր դասակարգային աշխարհայացքը, իսկ աջակողմյանին ու կենտրոնականին՝ ազգային գաղափարախոսությունը: Եթե աջակողմյան թևն ուներ հակասոցիալիստական, մասնավոր սեփականատիրական և ազատականացված տնտեսական ուղղվածություն, ապա ձախակողմյանը, ընդհակառակը, պաշտպանում էր արտադրության խոշոր միջոցների պետականացման և ընդհանրապես պետական կառավարման գերակայությունը: Ինչ վերաբերում էր ՀՀԴ, այն իր սոցիալիստական ծրագրային պահանջներով մոտենում ու նմանվում էր ձախերին, բայց գործնական քաղաքականության բնագավառում ցուցաբերում էր անհետևողականություն և ավելի շատ պաշտպանում սեփականության բազմազանությունը և

տնտեսավարման ազատությունը: Վերոհիշյալ երեք թեւերի շնքս խմբակցություններից երեքը (ՀԺԿ, Սոց.-դեմ. և Էսէռ) ի սկզբանե գրավեցին ընդդիմադիր դիրք: Ընդդիմությունը կանգնած էր «աջ» և «ձախ» թեւերում:

... Զնայած «աջ» ժողովրդականները նույնիսկ կոալիցիոն կառավարության ժամանակ սշտապես ներքին ընդդիմության և միջակայության մեջ էին «կենտրոն»՝ ՀՀԴ-ին, սակայն սրանց ընդդիմությունը ավելի կառուցողական էր, քան «ձախերինը», որոնք այնքան էլ կողմնակից չէին հալոց անկախ պետականության գաղափարին: Զախարովյան խմբակցությունների հիմնական գործելակերպը հարցապնդումներն էին⁸: Խորհրդարանական քննարկումների ժամանակ ձախերին ավելի հետաքրքրում ու մըտափոփում էին սոցիալ-տնտեսական (աշխատանքի, գաղթականության, պարենավորման, կրթամշակութային և այլ) բնույթի հարցերը, քան համազգային՝ հայկական հարցի, ինքնապաշտպանական, բանակի, սահմանների ամրացման և համանման հիմնախնդիրները:

Պետք է ասել, որ սոցիալական թույլ հենարանի պատճառով «ձախ» կուսակցությունները ստանձնապես ազդեցիկ քաղաքական ուժ չէին ՀՀ-ում: Բացի այդ, նրանք թույլ էին կազմակերպական կառուցվածքի տեսակետից: Խղճդիրն այն է, որ մինչև 1918 թ. վերջերը (նոյեմբեր) հայ սոցիալ-դեմոկրատները տակավին կազմակերպական առումով չէին անջատվել Անդրկովկասի, ասել է թե՛ վրաց սոց.-դեմ. մենչևիկներից⁹: Հենց այդ ժամանակ էլ տեղի ունեցավ նաև Երևանի բոլշևիկների կազմակերպչական առումով անջատումը մենչևիկներից¹⁰: Իսկ Էսէռները Հա-

⁸ Տե՛ս «Հորիզոն», 23 օգոստոսի 1918 թ.:

⁹ Տե՛ս «Մշակ», 21 նոյեմբերի 1918 թ., «Նոր հորիզոն», 28 նոյեմբերի 1918 թ.:

¹⁰ Տե՛ս «Հայաստանի կոմունիստական կուսակցության պատմության ուղիղ գծեր», Երևան, 1967, էջ 279:

խաստանի սահմաններում իրենց կուսակցության իրավասու մարմինը՝ Հայաստանի կոմիտեն հիմնեցին 1919 թ. փետրվար ամսին¹¹:

Արտախորհրդարանական կուսակցություններից էին Հայ սահմանադիր ռամկավարները, Սոց.-դեմ. հնչակյանները, «Եպեցիֆիկները» և այլն, որոնք նույնպես հանրապետության հստակական-քաղաքական կյանքում առանձնապես շոշափելի կշիռ չեն ունեցել: Սրանք այդպես էլ չունեցան իրենց ներկայացուցիչները Հայաստանի Հանրապետության խորհրդարանում:

Խորհրդարանում հարաբերական մեծամասնություն ունեցող ՀՀԴ կուսակցությունը ձգտում էր հասնել կայուն մեծամասնության: Եվ երբ 1918 թ. աշնանը սկսվեց կառավարության առաջին ճգնաժամը, այն հաղթահարելու նպատակով ՀՀԴ կուսակցիոն (խառը) կառավարություն կազմեց՝ համագործակցելով ոչ թե «ձախակողմյան» սոցիալիստական կուսակցությունների, այլ «աջակողմյան» բուրժուական որակովոլ ՀԺԿ հետ՝ դրանով իսկ ընդգծելով իր համար ազգային խնդիրների գերակայությունը սոցիալ-դասակարգայինի նկատմամբ: ՀՀԴ ընդառաջ գնաց Ժողովրդականների՝ հաշվի առնելով հետևյալ նկատառումները: ՀՀԴ և ՀԺ կուսակցությունները արտաքին քաղաքականության հարցում մերձեցել էին, որովհետև երկուսն էլ Հայկական հարցում, որպես ազգային կուսակցություն, գրեթե միական էին, իսկ ներքին սոցիալ-տնտեսական քաղաքականության ասպարեզում Դաշնակցությունն իրեն անվանելով «սոցիալիստական», երես դարձրեց իսկական սոցիալիստներից, որովհետև գտնում էր, որ ընկերավարային բարենորոգումները ՀՀ-ում դեռևս անժամանակ են ու չհասունացած¹²: Ամերիկահայ ճանաչված պատմա-

¹¹ Տե՛ս «Սոցիալիստ հեղափոխական», Երևան, 21 օգոստոսի 1919 թ.:

¹² Տե՛ս «Դրոշակ», 1929, թիվ 4—5, էջ 70:

բան Ռ. Հովհաննիսյանի կարծիքով Դաշնակցությունը ժողովրդական կուսակցության հետ խառը, կառավարություն կազմելու հասաձայնություն տվեց մահ այն դրդապատճառով, որ «ակնկալվում էր ստանալ Արևմուտքի դրամատիկական պետությունների աջակցությունը, որովհետև Դաշնակցության ծրագիրը ընկերավարական էր: Այս բանը պիտի բարձրացներ հանրապետության հեղինակությունը»¹³:

Սակայն ՀՀԴ, ՀԺԿ կառավարախորհրդարանական կոալիցիան կենսունակ չգտնվեց, իսկ 1919 թ. սկզբներից վարչապետ Հ. Քաջազունին քաղաքական նպատակներով արտասահման գործուղվելով՝ գործնականում հեռացվեց կառավարության ղեկավարի պաշտոնից:

Թեև արտաքին քաղաքականությունը գործադիր իշխանության՝ կառավարության իրավասության ոլորտ է, բայց և այնպես օրենսդրական, մահ քաղաքական մարմնի կարվածքով խորհրդարանը հաճախ անդրադարձել է այս բնագավառում ծառացած հիմնախնդիրներին: Ամենից առաջ խորհրդարանը արձագանքեց 1918 թ. սեպտեմբերին Բաքվում կատարված հայերի կոտորածին: Խորհրդի հոկտեմբերի 26-ի սիստում որոշվեց Բաքվի աղետոյալ հայերին, որպես օգնություն, հատկացնել 500 հազար ռուբլի¹⁴: Միաժամանակ, խորհրդարանը հիմք ընդունելով Էսեռական խմբակցության բանաձևը՝ իր բողոքի ձայնը բարձրացրեց՝ նշավակելու այն գազանությունները, որոնք թուրք վայրենի հրոսակները գործադրել էին Բաքվի խաղաղ հայ ազգաբնակչության նկատմամբ:

Հայաստանի խորհրդարանի և քաղաքական կուսակցությունների համար 1918 թ. վերջերին արտաքին ոլորտի ամենատար խնդիրներից էր հայ-վրացական սահ-

¹³ «Ասպարեզ», 28/29 մայիսի 1992 թ.:

¹⁴ Տե՛ս ՀՀ ՊԿՊԱ, ֆ. 198, ց. 1, գ. 15, թթ. 1, 6, ֆ. 200, ց. 1, գ. 86, թ. 10:

մանային վեճը: Խորհրդարանը մի քանի անգամ անդա-
դարձավ այդ խնդրին և ընդունեց որոշում՝ խաղաղ մի-
ջոցներով լուծել Լոռի-Ախալքալաք տարածքային վե-
ճը¹³: Սակայն գործը հասավ երկշաքարյա զինաբախման:
Ռազմական գործողությունները դադարեցնելու և կեճփոշ
հարթելու նպատակով Լոռի մեկնեց խորհրդարանական
հանձնաժողով: Նրանում ընդգրկված էին Գ. Տեր-Խաչա-
տըրյանը (ՀԺԿ), Մ. Հարությունյանը (ՀՀԴ), Ս. Խաչա-
տըրյանը (ՀՀԴ), Ա. Խոնդկարյանը (ԷսէՌ), Ս. Մամիկոն-
յանը (անկուս.) և գորավար Ղորղանյանը¹⁴: Խորհրդարա-
նական պատվիրակությունը, անշուշտ, օգտակար դեր խա-
ղաց արյունահեղության շուտափույթ դադարեցման գոր-
ծում:)

Աշխարհամարտի հաղթական ավարտից հետո Հա-
յաստանի խորհրդարանի քննարկումների նյութ դարձավ
Հայկական հարցը: Թեև Հայաստանը Փարիզի խաղաղու-
թյան կոնֆերանսին պաշտոնապես հրավիրված չէր, սա-
կայն հանրապետության պահանջներն այնտեղ ներկայաց-
նելու համար ղեկավարների Յ-ին խորհուրդը ձայների մե-
ծամասնությամբ որոշեց Եվրոպա ուղարկել պատվիրակու-
թյուն, որի ղեկավար նշանակվեց Ավետիս Ահարոնյանը¹⁵:

Դարձյալ ՀՀԴ և ՀԺԿ խորհրդարանական խմբակ-
ցությունների համաձայնությամբ որոշվեց, որ Փարիզի
խաղաղության կոնֆերանս մեկնող պատվիրակության
կազմը և նրան տրվելիք հրահանգները պետք է որոշի ոչ
թեև խորհրդարանը, այլ կառավարությունը:

¹³ Տե՛ս «Հորիզոն», 10 նոյեմբերի 1918 թ., «Բանբեր Հայաստանի
արխիվների», 1990, թիվ 3, էջ 129:

¹⁴ Տե՛ս «Ժողովուրդ», 22 դեկտեմբերի 1918 թ.:

¹⁵ Տե՛ս R. Hovhann'sian, *The Republic of Armenia*, vol. 1,
Berkley, Los Angeles, London, 1971, p. 251, նաև՝ «Վրասեր», 1994,
թիվ 1, էջ 102, «Ժողովուրդ», 4 և 6 դեկտեմբերի 1918 թ.:

1918 թ. դեկտեմբերի 5-ին և 7-ին նախարարների խորհուրդը լսելով վարչապետի գեկուցումը՝ Եվրոպա պատվիրակություն ուղարկելու մասին, որոշեց պատվիրակության կազմը (Ա. Ահարոնյան, Մ. Պապաջանյան, Հ. Օհանջանյան) և հաստատեց առաքելության գործունեության հրահանգը, որը լիազորում էր պաշտպանել միացյալ և անկախ Հայաստանի գաղափարը¹⁸:

Իրա դեմ բողոքեցին «ձախերը»¹⁹: Նրանք իրենց բողոքը հիմնավորում էին նրանով, որ գերագույն իշխանությունը խորհրդարանն է և ոչ թե կառավարությունը, ուստի երկրի ու ժողովրդի համար կաևորագույն հարցերի վճռման իրավունքը վերապահվում է խորհրդարանին: «Կենտրոն» և «աջակողմյան» խմբակցությունները ամհանգստանալու հիմքեր չունեին, քանզի կառավարության կազմում իրենց ներկայացուցիչներն էին: Վերջիններս սկսեցին ավելի հաճախ հաշվի չնստել «ձախակողմյան» խմբակցությունների հետ և պետության ու ժողովրդի համար կարևոր հարցերի լուծումը հանձնել կառավարությանը, որպեսզի «ձախերը» այդ գործում մասնակցության ու միջամտության հնարավորություն չունենան:

Կառավարող և խորհրդարանում մեծամասնություն կազմող «կենտրոն» և «աջակողմյան» խմբակցությունները սկսեցին ավելի հաճախակի դիմել նման քայլերի, որպեսզի մեկուսացնեն «ձախերին» երկրի քաղաքական կյանքի դեկավարմանը մասնակցելուց: Ինքնին հասկանալի է, որ նման գործողությունների հետևանքով ինքնաբերաբար նեղացվում ու սահմանափակվում էր գերագույն իշխանության՝ խորհրդարանի դերը: Խորհրդարանը ձայների մեծամասնությամբ որոշում կայացրեց պատվիրակու-

¹⁸ Տե՛ս Հ. Ա. Ավետիսյան, Հայկական հարցը 1918 թ., Երևան, 1997, էջ 328, ՀՀ ՊԿՊԱ, ֆ. 200, ց. 1, գ. 105, թ. 80, գ. 183, թ. 7: Ա. Խատիսյան, ՀՀ ծագումը և զարգացումը, Բեյրութ, 1968, էջ 117:

¹⁹ Տե՛ս «Կռիճ», 8 դեկտեմբերի 1918 թ.:

թյան նախատեսվելիք ծախսերի համար բաց թողնել 700 հազար ուրվի վարկ²⁰։

Խորհրդարանի գործունեության հիմնական առաջնքը, օրինաստեղծ աշխատանքն էր, երկրի բնականոն կենսագործունեության համար անհրաժեշտ իրավական դաշտի ստեղծումը։ Հայաստանի խորհուրդը մի կողմից փորձում էր ստեղծել իր սեփական, ազգային բովանդակությամբ օրենքները, իսկ մյուս կողմից՝ ժամանակի սղության և արհեստավարժության պակասի հետևանքով, ընդօրինակում ու հարմարեցնում էր դրսի օրենքները։ Քանի որ ՀՀ որպես պետական միավոր անջատվել էր, փաստորեն, նախկին Ռուսական կայսրությունից, ուստի 1918 թ. դեկտեմբերի 6-ին հաստատված օրենքով նպատակահարմար գլխում ՀՀ տարածքի վրա ժամանակավորապես պահպանել նախկինում գործող օրենքները՝ որոշ փոփոխություններով ու լրացումներով²¹։ Մի շարք օրենքներով քայլեր ձեռնարկվեցին դատական իշխանության ձևավորման ուղղությամբ²²։ Հանրապետությունում օրինականության վերականգնման և կարգուկանոն հաստատելու նպատակով, ներքին գործերի նախարար Արամի ներկայացմամբ, ընդունվեց անօրինական զենքի բռնագրավման և պետականացման մասին օրենքը, որով կառավարությունը հետամուտ էր մի կողմից ամրապնդել երկրի ներքին կայունությունը, իսկ մյուս կողմից՝ բռնագրավված զենքով զինել նորաստեղծ հայկական բանակը։ Խորհրդի մի շարք օրենքներ վերաբերվում էին պետական մենաշնորհի ու բռնագրավումների քաղաքականությանը, որոնք, ինչ խոսք, բացասաբար ազդեցություն

²⁰ Տե՛ս «Ժողովուրդ», 25 դեկտեմբերի 1918 թ.։

²¹ ՀՀ ՊԿՊԱ, ֆ. 200, ց. 1, գ. 86, թ. 15, «Հայաստանի խորհրդի հաստատած օրենքները 1918—1919 թ.», մաս 1, — Երեվան, 1919, էջ 22, «Կայծ», 26 դեկտեմբերի 1918 թ.։

²² Վ. Ահարոնյան, Դատարանը Հայաստանի Հանրապետության մեջ («Հայրենիք», 1939, թիվ 7, էջ 129—130, «Ժողովուրդ», 13 և 29 դեկտեմբերի 1918 թ.)։

տնտեսական կյանքի վրա³³։ Պետական մենաշնորհի ու բռնագրավումների քաղաքականությանը առանձնապես հրանգ էին հաղորդում «ձախերը»։ Արխիվային վավերագրերը ցույց են տալիս, թե պետական մենաշնորհի ու բռնագրավումների քաղաքականությունը և դրան ուղեկից չարաշահումները, զեղծումները, առանձին սպառազեն խմբերի կամայականությունները ինչպիսի մեծ չափերի էին հասել²⁴։

Հայաստանի խորհուրդը ընդունել է մաս կրթությանն ու մշակույթին վերաբերող օրինագծերի ու օրենքների մի մեծ փաթեթ։ Բայց և այնպես հանրապետությունում պահասում էին շատ օրենքներ։

Խորհրդարանի գործունեության կարևոր ոլորտներից էին բյուջեն, ֆինանսավարկային քաղաքականությունը։ Հանրապետությունը չի ունեցել տնտեսական ու սոցիալական զարգացման հստակ ծրագիր։ Պետական ծախսերը կառավարվում էին մախահաշիվների համաձայն, որոնք կազմում էր կառավարությունը և հաստատում խորհրդարանը։ Նախատեսվող վարկային հատկացումները ստանում էին օրենքի տեսք։ Խորհրդարանի կողմից հաստատված տարեկան մախահաշիվների ամբողջությունն էլ, փաստորեն, կազմում էր հանրապետության տարեկան պետբյուջեն։ Սովորաբար ֆինանսական ոլորտը այն գլխավոր լծակն էր, որով խորհրդարանն ազդում էր կառավարության վրա։ Տվյալները ցույց են տալիս, որ ծախսերի տասնամյակական գերազանցել են եկամուտները։

³³ ՀՀ ՊԿՊԱ, ֆ. 198, ց. 1, գ. 15, ք. 23, -Ֆ.—199, ց. 1, գ. 4, ք. 3, ֆ. 200, ց. 1, գ. 86, ք. 3, գ. 511, ք. 114, ֆ. 202, ց. 1, գ. 41, ք. 16, «Կառավարության լրաբեր», 16 հոկտեմբերի 1918 թ. և այլն։

²⁴ ՀՀ ՊԿՊԱ, ֆ. 201, ց. 1, գ. 102, ք. 7, ց. 2, գ. 625, ք. 13, ֆ. 202, ց. 1, գ. 102, ք. 1, ֆ. 404, ց. 1, գ. 17, ք. 1—6, «Հորիզոն», 9 հոկտեմբերի 1918 թ., «Ժողովուրդ», 22 սեպտեմբերի 1918 թ.։

Ինչ վերաբերում է հողային խնդրին, կարելի է ասել, որ թե՛ խորհրդարանը, և թե՛ կառավարությունը հիշյալ խնդրի լուծման ուղղությամբ հետևողական քաղաքականություն չվարեցին: Այստեղ խանգարող հանգամանքներ էին խմբակցությունների խայտաբղետ ագրարային ծրագրերը, ինչպես նաև ժամանակի սղությունն ու երկրի սոցիալ-քաղաքական զարգացման անդրոշությունը:

Ի տարբերություն դրա՝ խորհրդարանի ուշադրության կենտրոնում է եղել 300 հազարից ավելի գաղթականների և մոտ 40 հազար թափառական ու անօգնական որբերի խնամատարության խնդիրը: Պետական մակարդակով բազմաթիվ օրենքներ են ընդունվել նրանց ֆինանսական ու պարենային օգնության կազմակերպման, աշխատանքի տեղավորման, հողամասեր հատկացնելու, որբերի արհեստագործական ուսուցման ուղղությամբ և այլն²⁵: Խորհրդարանում ընկերային բնույթի հարցերով ու հարցապնդումներով ավելի շատ հանդես էին գալիս «ձախակողմյան» խմբակցությունները: Մակայն դրան հակառակ, նրանք դժգոհելով կառավարության արտաքին ու ներքին քաղաքականությունից, հաճախ դեմ էին քվեարկում բանակին և երկրի պաշտպանության նպատակներին վարկեր տրամադրելուն²⁶:

Արդեն 1919 թ. սկզբներից բացահայտ դարձան հակասությունները կառավարող (ՀՀԴ և ՀԺԿ) կուսակցությունների և «ձախերի» միջև: 1919 թ. փետրվարին խորհրդարանի դահլիճում նույնիսկ գործը հասավ ծեծկրո-

²⁵ Տե՛ս ՀՀ ՊԿՊԱ, ֆ. 199, ց. 1, գ. 4, թթ. 2—3, գ. 22, թթ. 4, 8, 84, ֆ. 200, ց. 1, գ. 86, թթ. 6—7, 9, 69, 3. 202, ց. 1, գ. 333, թթ. 41—42, «Հայաստանի Հանրապետության պատմության օրենքները (1918—1920 թթ.)», Երևան, 1998, էջ 9—12, «Զանգ», 25 հունվարի 1919 թ.:

²⁶ Տե՛ս ՀՀ ՊԿՊԱ, ֆ. 199, ց. 1, գ. 27, թթ. 193—194, «Կառծ», 22 և 30 հունվարի, 13 փետրվարի 1919 թ.:

տարի²⁷։ Իր հերթին մերթի՛ն հակասություն կար ման կա-
ռուցարող երկու՝ ՀՀԴ և ՀԺԿ կուսակցությունների միջև,
բայց մեկը մյուսի նկատմամբ պատասխանատվություն
չէր ուզում կրել։ Խորհրդի լուծարման համար առիթ հա՛ն-
դիսացավ Հայաստանի անկախության առաջին տարե-
դարձի օրը՝ 1919 թ. մայիսի 28-ին, ձայների մեծամաս-
նությամբ, կառավարության պաշտոնական հայտարարու-
թյունը միացյալ և անկախ Հայաստանի հռչակման և Հա-
յաստանի խորհուրդը արևմտահայ 12 ներկայացուցիչներով
համալրելու մասին²⁸։ Այդ հայտագրին բացահայտ դեմ ար-
տահայտվեցին ոչ միայն «ձախերը», այլև Դաշնակցու-
թյան հետ կռաւիցիա կազմած Հայ ժողովրդական կու-
սակցությունը։ Այս ակտի գերնպատակը՝ մեկ ազգ, մեկ
հայրենիք, մեկ կառավարություն գաղափարի՝ որպէս
պետական քաղաքականության, աստիճանական իրազո-
րծումն էր։ «Այդ ակտի նպատակն էր,—մտահանգում էր
Ս. Վրացյանը,—արագացնել հայ ժողովրդի երկու հատ-
վածների միությունը և հայտարարել ի լուր աշխարհի հայ
ժողովրդի անհողողող կամքը՝ անկախ պետական կառու-
քով ապրելու»²⁹։ Արված հայտարարությունը պետք է ամ-
րապնդէր գործնական քայլերով։ Նախատեսվում էր, բա-
նակցելով արևմտահայ քաղաքական շրջանակների հետ,
կազմել միացյալ Հայաստանի կառավարություն և միաց-
յալ խորհրդարան։

Դրան հակառակ Պողոս Նուբար փաշայի գլխավորած
արևմտահայ ազգային պատվիրակությունը օտարոտի վե-
րաբերմունք ցուցաբերելով իրական Հայաստանի Հանրա-

²⁷ Տե՛ս ՀՀ ՊԿՊԱ, ֆ. 404, ց. 1, գ. 35, թ. 1, «Աշխատավոր», 26
մայիսի 1919 թ.։

²⁸ Տե՛ս ՀՀ ՊԿՊԱ, ֆ. 189, ց. 1, գ. 14, մաս 1, թ. 114,
գ. 27, թ. 213, գ. 56, թ. 15, ֆ. 200, ց. 1, գ. 282,
թ. 9, «Ժողովուրդ», 11 հունիսի 1919 թ.։

²⁹ Ս. Վրացյան, Բանակցություններ Ազգային պատվիրակության
և Հայաստանի Հանրապետության միջև, Պաթոն, 1920, էջ 6։

պետության նկատմամբ՝ Տաճկահայաստանի հարցը հակադրում էր ՀՀ-ը: Դրա հիման վրա պատվիրակությունը նույնիսկ դիմակայել է օտար պետությունների կողմից ՀՀ ճանաչմանը՝ գտնելով, որ դա իբր «կարող է թուլացնել Տաճկահայաստանի դատը: Իսկ այդ գործում Նուբար փաշային օգնել է նաև Անդրանիկը»³⁰: Պողոս Նուբարը պատճառաբանում էր հետևյալ կերպ. քանի դեռ Ռուսաստանը իր վերջնական խոսքը չի ասել Ռուսահայաստանի խնդրում, ուստի «Տաճկահայաստանի հարցը պետք է անջատ պահել, որպեսզի դաշնակից պետությունները ռուսական հարցը պատճառ չդարձնեն տաճկահայ դատի լուծման ձգձգման համար»³¹: Փաշայի այս բացատրությունից կարելի է հասկանալ, որ նա ուզում էր հասնել Տաճկահայաստանի (հնարավորության դեպքում նաև Կիլիկիայի հետ) ինքնուրույն անկախության հռչակմանը, ինքն էլ դառնար վարչապետ: Այս ակնկալությանը նույնիսկ կազմվեց կառավարություն, որը, սակայն, մնաց թղթի վրա³²: Ինքնին հասկանալի է, որ նման հակադիր դիրքորոշումները չէին կարող նպաստել Հայկական հարցի ամբողջական լուծմանը:

Դաշնակցության և Ս. ռամկավարների միջև ծագած քաղաքական այս տարաձայնության հարցում Դաշնակցության հետ կռաւիցիա կազմած Ժողովրդական կուսակցությունը միանշանակ պաշտպանեց իր կուսակից ռամկավար Պողոս փաշային:

ՀՀ կառավարության «մայիսի 28-ի» ակտը ներքաղաքական լարված պայքար առաջ բերեց Հայաստանի երկու ազդեցիկ՝ ՀՀԴ և ՀԺ կուսակցությունների միջև: Նրանց միջև սկսված պայքարը դուրս եկավ խորհրդարանի և կառավարության շրջանակներից:

³⁰ ՀՀ ՊԿՊԱ, ֆ. 200, ց. 1, գ. 431, թ. 62:

³¹ Ա. Դաբբինյան, Հայ ազատագրական շարժման օրերեն, Փարիզ, 1947, էջ 419:

³² Տե՛ս «Արձագանք», Եկատերինոդար, 10 հունվարի 1919 թ.:

Ժողովրդականները արևմտահայության իրավունքներին ու ջանքերի ոտնահարում համարեցին կառավարության հալածարարության այն հատվածը, որտեղ ՀՀ ներկա կառավարությունն իրեն հռչակում էր «Միացյալ և անկախ Հայաստանի կառավարություն»՝ անտեսելով ազգային պաշտպանության ու նրա ղեկավար Պողոս Նուբար փաշայի գոյությունը։ Այստեղ կարելի է կարծել, որ ժողովրդականներին մտահոգում էր ոչ այնքան խնդրի իրավաբանական կողմը, որքան այն, որ միացյալ Հայաստանի կառավարության ղեկին հավակնում էր իրենց կուսակից ու պաշտելի Պողոս Նուբարը։ Ժողովրդականները ցանկանում էին այդ բաղձալի պաշտոնում տեսնել ոչ թե դաշնակցականի, այլ ռամկավար Պողոս փաշային։ Նշանակում է՝ այս տարաձայնությունների հիմքում ընկած էին ավելի շատ կուսակցական ու անձնական հաշիվներ, քան համապետական ու համազգային գերագույն շահեր։

Այս ամենը առաջ բերեց կառավարախորհրդարանական խոր ճգնաժամ։ Ժողովրդականները հատկապես բողոքեցին առանց խորհրդարանի գիտության արևմտահայ 12 ներկայացուցիչների (բոլորն էլ դաշնակցական) խորհրդարան հրավիրելու որոշման դեմ։ Անշուշտ, իրավական, էլ չենք ասում բարոյական տեսակետից, պատշաճ չէր ու կառավարության իրավասությունից միանգամայն դուրս էր խորհրդարան պատգամավորներ հրավիրելու մասին որոշում կայացնելը, թեև այդ ժամանակ խորհրդարանի իրավունքները մեկ ամսով հանձնվել էր կառավարությանը։ Հասկանալի է, որ կառավարության որոշմամբ 12 թուրքահայ դաշնակցականների մուտքը խորհրդարանն ապահովում էր ՀՀԴ կալուն մեծամասնություն խորհրդարանում, որն էլ մեծ անհանգստություն ու վրդովմունք առաջացրեց «աջ» և «ձախ» ընդդիմության շրջանում։

Նման խիստ լարված պայմաններում, 1919 թ. հունիսի 4-ին տեղի ունեցավ խորհրդարանի նիստը, որին

մասնակցում էին նաև արևմտահայ 12 ներկայացուցիչները: Նախապես կազմած հայտարարություններով սկսված հանդես եկավ Սոց.-դեմ. խմբակցության ներկայացուցիչ, պատգամավոր Գ. Ղարաջյանը, իսկ հետո՝ ՀԺԿ խմբակցության կողմից՝ Գ. Տեր-Խաչատրյանը: Նրանք իրենց կուսակցությունների ու խմբակցությունների անունից հայտարարեցին, որ կառավարությունը դիմել է անօրինական քայլի, փաստորեն տեղի է ունեցել պետական հեղաշրջում, ուստի իրենք այսուհետև հրաժարվում են խորհրդի աշխատանքներին մասնակցելուց³³: Հայտարարությունների ընթերցումից հետո, որպես բողոքի նշան, Ժողովրդական և Սոց.-դեմ. պատգամավորները ցուցադրաբար հեռացան խորհրդարանի դահլիճից: ՀԺԿ և Սոց.-դեմոկրատների օրինակին հետևեցին նաև էսէռները: Սոց.-դեմոկրատները և էսէռները, որպես բողոքի նշան, հրաժարվեցին խորհրդարանի աշխատանքներին մասնակցելուց ոչ թե նրա համար, որ իրենք էլ Ժողովրդականների մասն պաշտպանում էին Պ. Նուբար փաշայի ղեկավարած արևմտահայ ազգային պատվիրակության տեսակետը տաճկահայ խրնդրում, այլ, որ «ձախերը» առհասարակ չին ընդունում միացյալ և անկախ Հայաստանի գաղափարը:

Ստեղծված փակուղային իրավիճակում չէր մնում այլ բան, բան հաջորդ օրը՝ հունիսի 5-ին վաղաժամկետ դադարեցնել խորհրդարանի աշխատանքները և արագացնել նոր ընտրովի խորհրդարանի ձևավորման աշխատանքները³⁴: Այդ ժամանակ էլ Խորհրդի օրենսդրական

³³ Տե՛ս Հայաստանի Հանրապետության հասարակական-քաղաքական կազմակերպությունների փաստաթղթերի պետական կենտրոնական արխիվ (այսուհետև՝ ՀՀ ՀՔԿՓ ՊԿԱ), ֆ. 1022, ց. 2, գ. 121, թ. 1, ՀՀ ՊԿՊԱ, ֆ. 399, ց. 2, գ. 118, թ. 1:

³⁴ Տե՛ս ՀՀ ՊԿՊԱ, ֆ. 198, ց. 1, գ. 20, թ. 56, «Հայաստանի խորհրդի հաստատած օրենքները 1918—1919 թթ.», մաս 1, Երևան, 1919, էջ 61:

իրավունքները կրկին անցան գործադիր իշխանությանը՝ կառավարությանը:

Արդարև, որքան էլ ընդունելի կամ վիճելի լինեն այս Ֆզնասումի հետ կապված հակամարտող կողմերի թեր կամ դեմ փաստարկները, մի բան պարզ է, որ այս ամենի հիմնապատճառն այն էր, որ Հայաստանը տաճավին չունեի իր հիմնական օրենքը՝ սահմանադրությունը: Հանրապետությունում սահմանադրության և այլ հիմնարար օրենքների բացակայության պատճառով մերթ խորհրդարանն էր խախտում իր իրավասության շրջանակները՝ ստանձնելով նաև գործադիր մարմնի ֆունկցիաներ, մերթ էլ կառավարությունն էր գործադիր իշխանությանը զուգահեռ ստանձնում օրենսդիր մարմնի լիազորություններ: Խորհրդարանի դերի նսեմացման և գործադիր իշխանությանը դերի աստիճանական բարձրացման միտումը ուժեղացավ հատկապես երկրորդ խորհրդարանի օրոք: Առաջին խորհրդարանն իր տալը ամիսների աշխատանքի արդյունքում, մեր հաշվումներով, ընդունել է 116 օրենք³⁵:

³⁵ Տե՛ս «Հատաչ», 6 հունվարի 1920 թ., «Հայաստանի խորհրդի հաստատած օրենքները 1918—1919 թթ.», մաս 1, Երևան, 1919, էջ 33—61, ՀՀ ԳԿԳԱ, ֆ. 200, ց. 1, գ. 86, թթ. 32—36:

2. ԵՐԿՐՈՐԴ ԽՈՐՀՐԴԱՐԱՆԸ ԵՎ ԿՈՒՍԱԿՑՈՒԹՅՈՒՆՆԵՐԸ

1919 թ. գարնանը, երբ Հայաստանի Հանրապետության վիճակը նկատելիորեն կայունացել էր, սահմաններն ընդարձակվել էին, շինականն անցել էր խաղաղ աշխատանքի, օրակարգի հարց դարձավ նշանակովի խորհրդարանի արձակումը և ժողովրդական ընտրությունների միջոցով նոր, իսկական խորհրդարանի կազմավորումը: 1919 թ. հունիսի 21—23-ը տեղի ունեցած ընտրությունները բոլկոտեցին և դրանց չմասնակցեցին ժողովրդականները, ոսակավարները, սոց. դեմոկրատները, բոլշևիկները և այլն:

Համաձայն ընտրությունների մասին օրենքի՝ դրանք անցման համամասնական՝ կուսակցական սկզբունքով և նախատեսված 80 պատգամավորական տեղերից 72-ը ըզբաղեցրեց ՀՀ Դաշնակցություն կուսակցությունը¹: Անշուշտ, ընտրությունների ժամանակ թույլ էին տրվել զանազան խախտումներ և գեղծարարություններ: Երկրորդ՝ ընտրովի խորհրդարանի բացումը տեղի ունեցավ առաջին խորհրդարանի բացումից ուղիղ մեկ տարի հետո՝ 1919 թ. օգոստոսի 1-ին: Խորհրդարանի նախագահ ընտրվեց Ավետիս Ահարոնյանը*, կազմվեց նոր կառավարություն, ձևավորվեցին խորհրդարանի 12 հանձնաժողովներ: Ութ պատ-

¹ Տե՛ս ՀՀ ՊԿՊԱ, ֆ. 198, ց. 1, գ. 3, թթ. 22—23, գ. 32, թ. 5, ֆ. 276, ց. 1, գ. 119, թթ. 98—99:

* Արտասահմանում գտնվելու պատճառով Ա. Ահարոնյանը չվարեց խորհրդարանի և ոչ մի նիստ:

գամավորներից կազմված ընդդիմությունից նույնպես ընդգրկվեցին հանձնաժողովներում²:

Օգոստոսի 15-ի նիստում լավեց նորընտիր վարչապետ Ալ. Խատիսյանի կառավարության հայտագիրը: Նրբաբնույթ Երկաթյացված էին նոր կարիների ներքին ու արտաքին քաղաքականության հիմնական ուղղություններն ու մոտեցումները: Հայտագրում պաշտպանվում էին միացյալ Հայաստանի անկախության, օտար ներդրումների խրախուսման, կալվածատիրական հողերի ազգայնացման, պարսադիր սկզբնական կրթության և այլ գաղափարներն ու պահանջները³: Խատիսյանի կարիների հայտագրին անվստահություն են հայտնում միայն էսեռները⁴:

Ուսմկալար, կենսունակ պետության ամենաբնորոշ գծերից մեկը, անշուշտ, բազմակուսակցական հիմքի վրա խնկական ընդդիմության ձևավորումն էր:

Երկրորդ խորհրդարանի ընդդիմությունը, համեմատած առաջինին, շատ ավելի թույլ էր, քանզի 72 պատգամավորներից կազմված ՀՀԴ խմբակցությանը դիմակայում էին ընդամենը 4 էսեռ, 3 մուսուլման և 1 անկուսակցական (հետագայում՝ բոլշևիկ): Իշխող ՀՀԴ կուսակցությանը անհամակիր ընդդիմությունն ավելի լայն տեսանկյունով էր հանդես գալիս խորհրդարանից դուրս: Դրանք էին՝ բոլշևիկները, հայ ժողովրդականները, հայ ռամկավարները, մենջևիկները, անկախ սոցիալիստները, «սպեցիֆիկները», հնչակյանները:

Երկրորդ խորհրդարանի ընդդիմության թուլության բացը լրացվել է հիմնական կառավարող՝ ՀՀԴ խմբակցության ներսում առկա տարբեր թևերով ու հոսանքներով: Ուսումնասիրությունները ցույց են տալիս, որ ՀՀԴ և նրա

² Տե՛ս ՀՀ ՊԿՊՍ, ֆ. 198, ց. 1, գ. 32, թթ. 6—11, «Հայաստանի աշխատավոր», 14 օգոստոսի 1919 թ.:

³ Տե՛ս «Հայաստանի աշխատավոր», 16 օգոստոսի 1919 թ.:

⁴ Տե՛ս «Սոցիալիստ մեղափոխական», 30 օգոստոսի 1919 թ.:

խորհրդարանական խմբակցության ներսում գոյությունը են ունեցել ազգային, ընկերավարական, պետաիրավական, հեղափոխական և այլ հակումներ ունեցող թևեր ու հոսանքներ⁵։ Դա երևում է թեկուզ այն փաստից, որ իրավական, քաղաքական, տնտեսական, կադրային և այլ բնույթի խընդիրների բննարկումների ժամանակ ՀՀԴ խմբակցությունը մի քանի անգամ դրել է իր իսկ ձևավորած կառավարության վստահության հարցը⁶։

ՀՀԴ խորհրդարանական խմբակցությունը շարժափոփի դեր է կատարել կուսակցության բարձրագույն ղեկավար գործադիր մարմնի՝ Բյուրոյի և կառավարության միջև, ինչպես սահմանվել էր Դաշնակցության 9-րդ ընդհանուր ժողովում⁷։ Խորհրդարանական խմբակցությունն էր այն հիմնական խողովակը, որով կուսակցությունն անցկացնում էր իր քաղաքականությունը, այսինքն՝ հիմնականում պահպանվել են պառլամենտարիզմի ժողովրդավարության սկզբունքները։ Սակում է հիմնականում, որովհետև արձանագրվել են նաև դեպքեր, երբ ՀՀԴ Բյուրոն, ուղղակի միջամտել է ՀՀԴ խմբակցության, խորհրդարանի և նույնիսկ կառավարության ներքին գործերին⁸։ Դրությունը կտրուկ փոխվեց 1920 թ. մայիսին, երբ, քաղաքական հանգամանքների թելադրանքով, ՀՀԴ Բյուրոն խմբակցության առջև պահանջ դրեց իշխանությունը հանձնել իրեն։

⁵ Տե՛ս Ռուբեն, Հայ հեղափոխականի մը հիշատակները, Ռ. Է, Լուս Աճճեղը, 1952, էջ 275, 342, Ս. Վրացյան, Կյանքի ուղիներով, Ռ. Ե, Բեյրութ, 1966, էջ 113, Կ. Սասունի, Մայիսյան խռովությունները և թաղաքական ապստամբ շրջանները, Պեյրութ, 1968, էջ 17։

⁶ Տե՛ս ՀՀ ՊԿԳԱ, ֆ. 198, ց. 1, գգ. 52, 57, «Ժողովուրդ», 8 հոկտեմբերի 1919 թ., «Սոցիալիստ հեղափոխական», 19 հոկտեմբերի 1919 թ.։

⁷ Տե՛ս Ա. Համբարյան, ՀՀԴ 9-րդ ընդհանուր ժողովը, Երևան, 1994, էջ 22։

⁸ Տե՛ս ՀՀ ՀՔԿԳ ՊԿԱ, ֆ. 4047, ց. 1, գ. 114, թ. 1, «Ազգային շարափոխակ», 23 սեպտեմբերի 1973 թ.։

Երկրորդ գումարման խորհրդարանի օրենսդրական աշխատանքները, համեմատական կարգով, հասուն էին ու արժեատալվարժ:

Յուրաքանչյուր պետության ժողովրդավարության մակարդակը կարելի է չափել նաև նրա դատական համակարգով և առաջին հերթին երդվյալ ատենակալների ինստիտուտի առկայությամբ: Նման համակարգի ձևավորման հարցը քննվել էր դեռևս Հայաստանի խորհրդում, որի նախաձեռնողն էր ՀԺԿ խմբակցությունը⁹: Ավելի ուշ այն հաստատվեց և դրվեց գործողության մեջ:

Խորհրդարանը որոշակի ուղղորդություն դարձրեց նաև վերաշինության հարցերին: Մասնավորապես, 1920 թ. ապրիլին Երևանի հատակագծման և կառուցապատման նպատակով որոշվեց բացել 22904950 ռ. վարկ¹⁰:

1919 թ. դեկտեմբերի 26-ին խորհրդարանի փոխնախագահ Լ. Շանթի վավերացմամբ հաստատվեց «Պետական լեզվի մասին» օրենքը: Համաձայն այս օրենքի հայերենը դառնում էր պարտադիր պետական և հասարակական բոլոր հաստատություններում¹¹: 1919 թ. սեպտեմբեր-դեկտեմբերին ընդունվեցին օրինագծեր ազգագրական-մարդաբանական թանգարան, պետական հանրային գրադարան, թատերական վարժարան հիմնելու մասին, որոնք դրվեցին հանրային կրթության և արվեստի նախարարության իրավասության տակ¹²: 1920 թ. հունվարի 3-ին ընդունվեց օրենք՝ եկեղեցին պետությունից անջատելու մասին¹³: Ապրիլի 3-ին հաստատվեց մեկ այլ օրինագիծ՝ ծրխակաճ-եկեղեցական դպրոցները պետական աշխարհիկ

⁹ Տե՛ս «Կայծ», 5 դեկտեմբերի 1918 թ.:

¹⁰ Տե՛ս ՀՀ ՊԿՊԱ, ֆ. 198, ց. 1, գ. 58, թ. 12:

¹¹ Տե՛ս ՀՀ ՊԿՊԱ, ֆ. 202, ց. 1, գ. 333, թ. 30:

¹² Տե՛ս ՀՀ ՊԿՊԱ, ֆ. 198, ց. 1, գ. 20, թթ. 57—59, ֆ. 263, ց. 1, գ. 57, թ. 47:

¹³ Տե՛ս ՀՀ ՊԿՊԱ, ֆ. 198, ց. 1, գ. 20, թ. 1:

դարձնելու մասին: Միաժամանակ հայտարարվում էր խղճի ազատություն: Թույլատրվում էին ինչպես պետական, այնպես էլ ոչ պետական դպրոցները: Օրենքում պահանջ էր դրված՝ դպրոցը հեռու պահել քաղաքականությունից և այլն¹⁴:

Երկրորդ խորհրդարանի ընդունած օրենքներից ուշադրության է արժանի կրթության և արվեստի նախարար Ն. Ադրալյանի նախաձեռնությամբ ներկայացրած օրինագիծը՝ «Հայաստանի ազատագրության կոմիտե զոհված զինվորների զավակներին անվճար դպրոցական պիտույքներ քաժանելու մասին», որը հաստատվում է 1920 թ. հունվարի 5-ին¹⁵:

Հարկ է նշել, որ այս խորհրդարանում ընդունված օրենքներն ավելի շատ ունեցել են սոցիալական ուղղվածություն, որով էլ ընդգծվում էր երկրի հիմնական քաղաքական դեկավար ուժի՝ ՀՀԴ սոցիալիստական բովանդակությունը¹⁶:

Հանրապետության սոցիալ-տնտեսական կյանքի ամենախոցելի կողմերից մեկը ֆինանսներն էին: Խորհրդարանի կողմից թույլատրվող ֆինանսական հատկացումների հիմնական մասը գնում էր երկու կարևոր ոչ արտադրական շուկաների՝ բանակի և գաղթականության գոյության պահպանման ուղղությամբ: Կառավարության և հատկապես Բուրժուա-կառավարության տնտեսապես չհիմնավորված ֆինանսատնտեսական քաղաքականության հետևանքով (խորհրդարանը տևական, հարկադիր արձակուրդում էր) հայկական դրամն արագորեն արժեզրկվեց և երկրում փաստորեն առաջացավ ֆինանսատնտեսական ճգնաժամ:

¹⁴ Տե՛ս Նույն տեղում, թ. 40, ֆ. 200, ց. 1, գ. 576, թ. 240:

¹⁵ Տե՛ս ՀՀ ՊԿՊԱ, ֆ. 199, ց. 1, գ. 98, թ. 44, ֆ. 202, ց. 1, գ. 333, թ. 72:

¹⁶ Տե՛ս ՀՀ ՊԿՊԱ, ֆ. 198, ց. 1, գ. 32, թ. 22, գ. 57, թ. 3, ֆ. 202, ց. 1, գ. 339, թ. 6, ֆ. 207, ց. 1, գ. 49, մաս 2, թ. 56, գ. 114, թ. 6, գ. 116, թ. 61 և այլն:

Օրենսդրական աշխատանքի կտրվածքով խորհրդարանի՝ տեսնադաշտում էին արևմտահայերի ներգաղթի, բանակի զորացման, Արցախին օգնություն ցույց տալու խընդիրները: Բազմաթիվ անգամներ վարկեր են բացվել բանակի համար, երբեմն առանց նախահաշիվների: Փորձ է արվել ստեղծել սեփական ռազմական արտադրություն¹⁷: Ղարաբաղի 8 մլն ռուբլի հիմնադրամից 1,5 մլն-ը հատկացվեց «Ղարաբաղի զորամաս» կազմակերպելու համար¹⁸:

Պատգամավորների գործունեությունը չի սահմանափակվել միայն խորհրդարանի շրջանակներում: Ե՛վ առնա՞յն, և՛ երկրորդ խորհրդարանում պատգամավորները անհատական կամ պատգամավորական հանձնախմբերով գործուղվել են տարբեր շրջաններ, տեղերում ուսումնասիրել, հետո առաջարկություններ են ներկայացրել և ալլն:

Հանրագումարի բերելով երկրորդ գումարման խորհրդարանի՝ օրենսդրական աշխատանքի արդյունքները՝ կարելի է ասել, որ 1919 թ. երկրորդ կեսին՝ օգոստոսի 1-ից մինչև դեկտեմբերի 31-ը, հրավիրվել է 56 նիստ և այդ ընթացքում հաստատվել ընդամենը 117 օրենք, այդ թվում՝ մի քանի որոշում, իսկ 1920 թ. հունվարի 2-ից մինչև մայիսի 5-ը տեղի է ունեցել 32 նիստ և այդ ընթացքում ընդունվել 85 օրենք: Այսպիսով, երկու տարեշրջանները միասին ընդունել են շուրջ 200 օրենք¹⁹:

Երկրորդ խորհրդարանի գործունեության վերջին յոթը ամիսները կարելի է համարել որպես անգործության ժամանակաշրջան: Երբ 1920 թ. Մայիսյան ապստամբու-

17 ՀՀ ՊԿՊԱ, ֆ. 202, ց. 1, գ. 333, թ. 9, «ՀՀ օրենքների հավաքածու», ա. տ. և թ., էջ 22—23:

18 ՀՀ ՊԿՊԱ, ֆ. 199, ց. 1, գ. 14, մաս 1, թթ. 15, 132:

19 Տե՛ս ՀՀ ՊԿՊԱ, ֆ. 198, ց. 1, գ. 20, թթ. 1—22, գ. 52, ֆ. 202, ց. 1, գ. 333, թթ. 70—160, «ՀՀ օրենքների հավաքածու 1919 թ.», էջ 1—93 և «ՀՀ օրենքների հավաքածու 1920 թ.», էջ 1—72 (հաշվումները կատարված են մեր կողմից):

թան կապակցությամբ խորհրդարանն ուղարկվում է հարկադիր ու տեական արձակուրդ, դրանով էլ, փաստորեն, դիմազրկվում: ՀՀԴ Բյուրոն, հանրապետության քաղաքական իրավիճակը գնահատելով՝ ճգնաժամային՝ մայիսի 5-ին ստանձնեց կառավարությունը: Արձակուրդ ուղարկելով խորհրդարանը՝ նա յուրացրեց նաև օրենսդրական իրավասությունները: Փաստորեն հաստատվեց ՀՀԴ Բյուրո-կառավարության դիկտատուրա: Թեև Բյուրո-կառավարությունն իր ընդունած մի շարք խիստ օրենքներով և վճռական պատմիչ գործողություններով ճնշեց բուլժեիկների ապստամբությունը, սակայն իրավաքաղաքական տեսակետից երկրում կատարվեցին ժողովրդավարական սկզբունքների մի շարք խախտումներ, որոնք թողացրին պետականության հիմքերը: Դրան գումարվեց նաև թուրք-հաշկական պատերազմը, որի արդյունքում Հայաստանը պարտվեց և չունենալով այլընտրանք՝ ընդունեց 11-րդ Կարմիր բանակի մուտքը երկիր և խաղաղ մահապարհով խորհրդայնացվեց:

ՀՀ գոյության վերջին՝ նոյեմբեր ամսին, խորհրդայնները գումարեց ընդամենը չորս նիստ, որոնցում հիմնականում լսվեցին պատերազմի ու խաղաղության և «ճախ» կռալիցիոն կառավարության ստեղծման մասին հարցերը: Այդ նակատագրական պահին էլ հայ քաղաքական շրջաններն ու ժողովուրդը իրենց փրկության վերջին հույսը կապեցին Խորհրդային Ռուսաստանի հետ: Վիճակն այնքան բարդ էր ու ճգնաժամային, որ պատակովեցին ՀՀԴ շաղթերը: Դրա հետևանքով էլ առաջացավ «Չախ դաշնակցականների» խումբը:

Հայաստանի Հանրապետության հետագա նակատագրի հարցը լսվել է նոյեմբերի 30-ին և դեկտեմբերի 3-ին՝ երեկոյան ժամերին: ՀՀԴ խորհրդարանական խմբակցության մասնակցությամբ կայացած խորհրդակցությունների արդյունքում, ճալների ճնշող մեծամասնությամբ, որոշվեց էր

խաղաղ ճանապարհով իշխանությունը հանձնել բոլշևիկներին և երկիրը խորհրդայնացնել²⁰։ Հայ ժողովրդի ճնշող մեծամասնությունն ըմբռնեց պահի լրջությունը և ընդունեց բոլշևիզմը, քանզի ոռո-բոլշևիկ անվան տակ հասկանում էր միայն Ռուսաստան և ոռո ժողովուրդ։ 1920 թ. դեկտեմբերի 2-ին Երևանի համաձայնագրի ստորագրումով իրավապես իր ուժը կորցրեց մահ ՀՀ բարձրագույն օրենսդիր մարմինը՝ խորհրդարանը։

Ահա այս ձևով Հայաստանի խորհրդարանական-ռազմապետական հանրապետությանը փոխարինելու եկավ Խորհրդային Հայաստանը։ Այսպիսով, Հայաստանի Հանրապետության իրավահաջորդ Խորհրդային Հայաստանը, իր հակասականությամբ հանդերձ, դարձավ հետագա հայ պետականության միակ կրողը, համայն հայության հայրենիքը, նրա ֆիզիկական, հոգևոր ու մշակութային վերբն-ձյունան միակ հուսալի երաշխավորը։

²⁰ «Հայրենիք», 1923, թիվ 1, էջ 70—72, 1954, թիվ 5, էջ 10—11, «Երոշակ», 1930, թիվ 10, էջ 240—241, «Ասպարեզ», 28/28 մայիսի 1992 թ.։

ԵԶՐԱՓԱԿՈՒՄ

Հայաստանի առաջին հանրապետության քաղաքական համակարգի անբաժան մասն է կազմել խորհրդարանը, որը ձևավորելիս հաշվի էր առնվել պառլամենտարիզմի համաշխարհային փորձը:

Հանրապետության գոյության 2,5 տարվա ընթացքում կազմվել է երկու գումարման խորհրդարան՝ առաջինը, որպես Հայոց Ազգային խորհրդի անսիջական իրավահաջորդ, գործել է 1918 թ. օգոստոսի 1-ից մինչև 1919 թ. հունիսի 5-ը, բազմակուսակցական հիմքի վրա, առանց ընտրությունների, իսկ երկրորդը՝ 1919 թ. օգոստոսի 1-ից մինչև 1920 թ. դեկտեմբերի 2-ը, համամասնական ընտրությունների միջոցով: Այդ նույն ժամանակ կազմվել է չորս կառավարություն (կաբինետ): Հայաստանի երկու գումարման խորհրդարանն իր գործունեության ընթացքում ընդունել է 300-ից ավելի օրենքներ, որոնց զգալի մասը, սակայն, եղել են ընդամենը որոշումներ և կառավարչական հրահանգներ:

1919 թ. կեսերից արդեն Հայաստանը կազմակերպված պետություն էր, ուներ իր ազգային դրոշը, զինանշանը, օրհներգը, դառարանական համակարգը, տեղական ինքնակառավարման մարմինները (գեմատություններ), բանակը, դիվանագիտական կապերը, դրամանիշը, ազգային-պետական, կրթամշակութային օջախները և այլն: Հանրապետության ներսում և խորհրդարանում գոյություն է ունեցել բազմակուսակցական համակարգ: Գործել են խմբակցություններ, եղել է ընդդիմություն, թույլատրվել են այլախո-

հոյություն, խղճի, խոսքի, մամուլի, ժողովների, ցույցերի, գործադուլների ազատություններ և այլն:

Քաղաքական և պետական կառուցվածքի տեսակետից՝ հանրապետության խորհրդարանն ու կառավարությունը Շպատակ էին դրել Հայաստանը դարձնել Արեւմուտքի տիպի խորհրդարանական, դեմոկրատական (ռաժկավար) հանրապետություն: Ընդհանուր առմամբ Հայաստանի Հանրապետությանը բնորոշ էր կառավարման հանրապետական ձևը՝ խորհրդարանի գերակայությամբ: Հայաստանը՝ որպես խորհրդարանական դեմոկրատական հանրապետություն, ծրագրել էր Հայկական հարցի բարեհաջող լուծումից հետո մշակել և ընդունել սահմանադրություն: Սկզբում պետական իշխանության գլխավոր իրավասությունները՝ օրենսդիր, մասամբ Շահ գործադիր, պատկանել են խորհրդարանին: Գործադիր իշխանությունը՝ կառավարությունը, ձևավորվել ու հաստատվել է խորհրդարանի կողմից: Հանրապետության նախագահի պաշտոնի բացակայության պայմաններում վարչապետը հաշվետու էր միայն խորհրդարանի առջև: Սակայն ժամանակի ընթացքում, դեպքերի ու հանգամանքների բերումով, սահմանադրության բացակայության, օրենսդիր, գործադիր և դատական իշխանությունների իրավասության շրջանակների ոչ հստակ տարանջատվածության և սուրյեկտիվ ալկառնատներով գնալով նսեմացվեց խորհրդարանի դերը՝ հեզուտ կառավարության: Իսկ 1920 թ. Մայիսյան ապրիտամբության կապակցությամբ պետական կառավարման համակարգը կուսակցականացվեց (ողջ իշխանությունն անցավ ՀՀԴ, Բյուրո-կառավարության ձեռքը): Կառավարությունը ստանձնեց նաև օրենսդրական ֆունկցիաներ: Դրա արդյունքում խորհրդարանն ողարկվեց հարկադիր արձակուրդ ու փաստորեն չեզոքացվեց:

Խորհրդարանի դիմագրկումը և հետագայում ամբողջ իշխանության ՀՀԴ Բյուրո-կառավարության ձեռքում կենտրոնացնելը պայմանավորված էր մի կողմից Դաշ-

հսկցություն կուսակցության ներսում առկա անառողջ, մեմբրշխանական, հեղափոխական տրամադրություններով, իսկ մյուս կողմից՝ պատմական իրադարձությունների այն իրական ու օբյեկտիվ հանգամանքներով, որոնց մեջ Ֆայոնովել էր Հայաստանը տվյալ ժամանակաշրջանում: Հայաստանի խորհրդարանի պատմության էական դասերից մեկը պետք է համարել այն, որ խորհրդարանի դերի ամեն մի նսեմացում առաջ է բերում, տվյալ երկրում, ժողովրդավարության հետընթաց: Ավելին, խորհրդարանի դերի նսեմացումը զգալիորեն թուլացրեց հայոց պետականության հիմքերը:

Առաջին հանրապետության քաղաքական համակարգի փորձի ուսումնասիրությունը հուշում է, որ մերօրյա Հայաստանի համար նույնպես նախընտրելի է խորհրդարանական գերակայության հանրապետությունը: Բոլոր դեպքերում նախագահի ու նախագահական իշխանության նրկատմամբ ազնիվ ու արդար ճանապարհով ընտրված խորհրդարանը կարող է ավելի զորավոր երաշխիք լինել Ա՝ օրենքի գերակայության, Ա՝ ժողովրդավարության ամրակայման, Ա՝ հնարավոր բացթողումները ու սխալները վանխելու համար:

ՀՀ գործող քաղաքական կուսակցությունների, մասնավորապես նրանց խորհրդարանական գործունեության փորձի ուսումնասիրությունը ցույց է տալիս, որ երբ հայ ժողովրդին ու նրա հայրենիքին արտաքին ու ներքին մեծ վտանգ էր սպառնում, տեղի էր ունենում հայ քաղաքական գրեթե բոլոր ուժերի, բացառությամբ համայնավարների, համախմբում (կոնսոլիդացիա), իսկ երբ թուլանում կամ վերանում էր այդ վտանգը, կրկին ուժեղանում էին ընդդիմությունն ու ներքաղաքական պայքարը կուսակցությունների միջև: Ուրախությամբ պետք է արձանագրել, որ համազգային ու համապետական շահի գիտակցման այս առողջ ավանդույթը պահպանվում է նաև մեր օրերում՝

հայ հասարակական-քաղաքական կազմակերպությունների գործելակերպում:

Հայ քաղաքական կուսակցությունների գործունեության պատմաքննական վերլուծությունը ցույց է տալիս, որ դրանք չեն եղել պարզունակ և միատարր համախոհների կազմակերպություն, այլ դրանց ներսում (սկսած Դաշնակցությունից և վերջացրած բուշևիկներով) գոյություն են ունեցել «աջ» և «ձախ» հոսանքներ ու թևեր, փափուկ և կոշտ մարտավարության կողմնակիցներ:

Անշուշտ, արհեստավարժ չէր Հայաստանի խորհրդարանը: Իր կարճատև և ընդհատումներով գործունեության ընթացքում նա չհասցրեց մշակել ու ընդունել սեփական, ազգային դիմագծին ու առանձնահատկություններին հոգեհարազատ պետաիրավական ամբողջական ու կայուն օրենսդրություն:

Թեև Հայաստանի Հանրապետությունում պակասում էին շատ օրենքներ, դրսևորվում էին անիշխանության երևույթներ, չարաշահումներ, «մատուցելիզմ» և այլն, բայց և այնպես, իր ամբողջության մեջ վերցրած, բոլոր հիմքերը կան պնդելու, որ 1918—1920 թթ. Հայաստանը կազմակերպված պետություն էր:

Ուսումնասիրության արդյունքներով հանգել ենք այն եզրակացության, որ, իր թերություններով հանդերձ, իրավաքաղաքական և տնտեսական տեսակետից Հայաստանի Հանրապետությունը հիմնականում ժողովրդավարական տիպի հանրապետություն էր: Հայաստանն ուներ իր պետականությունը՝ անկապտելի բոլոր հատկանիշներով: Բայց ժողովրդավարության բովանդակության տեսակետից ՀՀ կարելի է բաժանել երկու ժամանակահատվածի. առաջին՝ 1918 թ. մայիսի 28-ից մինչև 1920 թ. ապրիլը, երբ Հայաստանը հիմնականում ժողովրդավարական հանրապետություն էր և երկրորդ ժամանակաշրջան՝ 1920 թ. մայիսից մինչև դեկտեմբերի 2-ը, երբ այն այլևս չէր կարելի համարել ժողովրդավարական: Ժողովրդավարության հիմ-

քերի խաբխումը, անշուշտ, դարձավ հանրապետության անկման պատճառներից մեկը, բայց ոչ գլխավորը: Հայաստանի Հանրապետության անկման գլխավոր պատճառը արտաքին ուժերն էին: Հայաստանի առաջին հանրապետության խորհրդարանի և քաղաքական կուսակցությունների մաքառումների փորձը օգտակար և ուսանելի է այսօրվա Հայաստանի անկախ պետականության ամրակայման ու զարգացման, նրան ժամանակակից չափանիշներով ժողովրդավարական բովանդակությամբ հագեցնելու գործում:

Հայաստանի առաջին անկախ հանրապետության անկումից հետո էլ, դրան հաջորդած խորհրդային 70 տարիների ընթացքում, հայ ժողովրդի մեջ բնավ չմարեց անկախության եզին, վկան՝ Հայաստանի ներկայիս հանրապետությունը: Հայոց անկախ պետականությունը պետք է հանդիսանա հայ ազգային գաղափարախոսության հիմնասյուններից մեկը:

— Այսօր նոր՝ երրորդ հազարամյակի նախաշեմին, փոփոխված աշխարհում մեզ համար առաջնային պետք է լինի ոչ թե մեր ժողովրդի սոսկ ֆիզիկական գոյատևման հիմնահարցը, այլ հայոց պետականության շրջանակներում և նրանից դուրս հայ ժողովրդի զարգացման ու բարգաւաճման խնդիրը, նրա ազգաշահ բաղձանքների իրագործումը: Արդ, ժամանակն է պետականորեն մտածելու և գործելու, քաղաքակիրթ աշխարհին ցույց տալու հայ ժողովրդի առաքել ներուժը, կենսունակությունը, հավերժելու անկուրքում կամքը:

ԲՈՎԱՆԴԱԿՈՒԹՅՈՒՆ

ՆՆՐԱՇԽՈՒԹՅՈՒՆ	5
1 Հաշատանի առաջին խորհրդարանը և քաղաքական կուսակցությունները	11
2 Երկրորդ խորհրդարանը և կուսակցությունները	28
ԵԶՐԱՓԱԿՈՒՄ	36

[350pp.]

A π
84736